

SPORAZUM O POSLOVNOJ SURADNJI

Zaključen dana 06.01.2020.godine u Sarajevu između KJKP Sarajevogas d.o.o.Sarajevo (u daljem tekstu: "Sarajevogas" Sarajevo) kojeg zastupa Sejfo Ušanović dipl.oec., direktor i Ministarstva za boračka pitanja Kantona Sarajevo (u daljem tekstu Ministarstvo) koga zastupa ministar mr.Ismir Jusko

I

Predmet ovog Sporazuma je realizacija projekta priključka na gasovodnu mrežu stambenih jedinica šehidskih porodica, ratnih vojnih invalida i demobilisanih boraca, kao i uslovi, način i plaćanje po izvršenim radovima priključenja objekata na gasovodnu mrežu.

II

Šehidske porodice, ratni vojni invalidi i demobilisani borci kojima je potreban novi priključak, a za koje Ministarstvo dostavi „Sarajevogasu“ Sarajevo saglasnost za plaćanje, imaju pravo na izgradnju priključka (do 10 metara priključnog voda) sa mjerno regulacionim setom (G-2,5 ili G4) što uključuje i troškove montaže istog, ako imaju svu zakonom propisanu dokumentaciju. Saglasno aktuelnim cijenama cjenovnika usluga Sarajevogasa na dan 01.01.2017.godine troškovi ovakvog priključka sa uračunatim PDV-om iznose do 950,00KM i snosi ih Ministarstvo.

Korisnik snosi troškove iskopa trase za montažu priključka, troškove puštanja gasa i eventualne troškove koji prelaze iznos od 950,00 KM.

III

Šehidske porodice, ratni vojni invalidi i demobilisani borci koji su prije rata bili registrovani kao kupci gasa, na mjestu povratka imaju pravo na besplatnu sanaciju priključka. Troškove sanacije priključka za ovu kategoriju snosi „Sarajevogas“ Sarajevo.

IV

„Sarajevogas“ Sarajevo se obavezuje da će po dostavljenim preliminarnim spiskovima za priključak na gasovodnu mrežu od strane ovog Ministarstva prethodno izvršiti provjeru stanja u smislu da li su predloženi korisnici sa spiskova ranije izvršili plaćanje priključka gasa, te da li su već registrovani kao kupci gasa na nekom drugom objektu na području Kantona Sarajevo.

Nakon provjere spiskova „Sarajevogas“ Sarajevo pismenim putem šalje povratnu informaciju, nakon čega će Ministarstvo dati konačnu saglasnost za koje će korisnike izvršiti plaćanje priključenja na gasovodnu mrežu.

V

Ministarstvo se obavezuje da će izvršiti plaćanje po završenim radnjama iz tačke II i IV ovog Sporazuma, na osnovu ispostavljenih računa od strane „Sarajevogasa“ Sarajevo u skladu sa dinamikom plaćanja putem Ministarstva finansija Kantona Sarajevo.

VI

Sve eventualne nesporzume koji se jave po ovom Sporazumu „Sarajevogas“ Sarajevo i Ministarstvo će rješavati prvenstveno sporazumno u duhu dobrih poslovnih odnosa i uzajamnog povjerenja.

U slučaju spora nadležan je Sud u Sarajevu.

VII

Sporazum stupa na snagu danom potpisivanja, a odnosi se na period do 31.12. 2020. godine.

VIII

Sporazum je sastavljen u četiri istovjetna primjerka od kojih svaka strana zadržava po dva.

KJKP „Sarajevogas“ d.o.o. Sarajevo



Sejfo Ušanović dipl.oec. ✓

Broj: 08/20
Sarajevo, 13. 01. 2020. godine

KANTON SARAJEVO
Ministarstvo za boračka pitanja

mr. Ismir Jusko

Broj: 06-11-134/20
Sarajevo, 06.01.2020. godine